



Jahresbericht vo dä Saison 2023/2024

Bestätigungsaison im Oberhuus

Lang han ich überleit was söll ich au verzelle: Fang ich mal vo ahfang ah. Im Juni wie immer isch euisi GV kurz und knackig über Bühne. Schön sind so viel cho. Isch es doch die 40.GV gsih. Im Juli 2023 heisst 40 Jahr Fanclub.

Mir händ en mega schöni Jubiläumsfahrt gah ufem Erlebnishof im Emmental. Hämmer, doch cooli poste müessä bewältige ih dä Gruppene. Mir händ alli dä Plausch gah und sehr fein isch Esse gsih. Buurehamme mit Salat und früschen Brot. Zum Dessert feini Glace mit Nidle und Meränge. 😊

Es isch voll cool gsih das so viel mitcho sind.

Im August wie immer euse trationelle Bowlingabig im Sorriso und natürlich wieder mit Spieler beteiligung. Es isch en guete abig gsih und mir händs lustig gah. Dä Joel Marchon hät ammel gnosse mit euis. Dä Wanderpokal hät dä Marcel Schäffer gwunne

Am 15.9 isches dänn losgange mit dä Saison in ZUG. Dä Ersti sieg händ grad gmacht und das gägä Zug.

Am 23.September isch es chlieses Grüppli mit em Schiff uf Rappi gfare an Matsch. Mir händ lustig gah zämä isch gmüetlich gsih dä Matsch hämmer gwunne. Heimfahrt mit em Zug isch bizzeli Müehsam gsih aber mir händs den au no gschaft. Danke Karin für Organisieren.

Am 18.November isch Langnau ufem Programm gstande. Ich bin nöd däbi gsih aber so wie ich ghört han isch es sehr guet gsih und Yvonne hät das Super organisiert. Danke Yvonne

13.Januar 2024 isch Ambri drah gsih für äh Fanreis. Zerscht Gotthard Basistunnel Führung fein go ässä im Restaurant vom Zamperlani und

dänn dä Matschbsuech im neuen Stadion. Ja schöni Halle wo becho händ Top stimmig und euisi händ voll ähn Käs zämmä gspielt. Danke für die Gueti organisation vo dä Tanja.

Äh Wuche spöter ist Raclettabig gsih. Danke ah alli wo cho sind danke für die viele feine Dessert.

Über euisi Saison muess ich nöd viel verzelle. Sie isch am 4. März färtig gsih. Ich bin irgendwie hässig uf die viele Sache wo da in Kloten abgange sind. Ja vieles isch no offe Trainer, Usländer bin gspannt was no chunnt.

Sportchef hämmer ja sitt Zwei Wuche. En Goali isch au bestätigt.

Ich bin aber dänn au froh gsih dass mir nümme händ müssä Spiele gägä Ajoie für dä Liga Erhalt.

Am 20. April isch eise Spaghettiabig gsih danke für choche Werni. Danke dä Yvonne und Karin für die tolli unterstützig dä ganzi Abig.

Ah WM han ich no dörfe gah und isch wieder einisch schön gsih gueti Spiel gseh mit tolle Lüt.

Am WM-Finalspiel euisi Buurestube pumpe voll leider häts nöd Gold gäh.

Ich bin trotzdem stolz uf euisi SchwiizerNati

Und zum schluss möchte ich mich bi eui allne hätzlich bedanke das ich scho 20 Jahr dörf dä Fanclub als Präsidentin führe.

Eui allne es hätzlich Dankeschön das ihr däbi sind und ähn schöne Summer

Katzenrüti 30.5.24

Eui Präsidentin Barbara